



UNIVERSITÄTS-  
BIBLIOTHEK  
PADERBORN

## **Claudii Fleurii Abbatis Historia Ecclesiastica**

Ab anno Christi 1663. usque ad annum 1674

**Fleury, Claude**

**August. Vind. [u.a.], 1780**

**VD18 90119193**

§. 71. Salubria Franciæ Regis edicta.

---

[urn:nbn:de:hbz:466:1-67332](https://nbn-resolving.org/urn:nbn:de:hbz:466:1-67332)

nantibus, Vezirius secundissimis usus flatibus die vigesimo octavo Octobris cum quatuor suorum millibus Cydoniæ exscensionem fecit, nimis infesta Cretenſibus vicinia.

Sæc. XVII.  
A. C. 1666.

## §. LXXI.

*Salubria Franciæ Regis edicta.*

Enimvero Ludovicus XIV. Franciæ Rex jam a primis Regni sui auspiciis nunc belli, nunc pacis consilia agitabat, hocque anno Poloniæ Regi, ut Principem Lubomirskium, rebellesque subditos ad obsequium redigere posset, militum suppetias pollicebatur, simulque bello die vigesima sexta Januarii Anglis denuntiato, Hollandis valida submittebat auxilia: nihilominus inter gravissimas hæc curas haud obliviscatur publicæ Regni sui salutis, quam ut sublatis morum corruptelis firmam redderet, plura oppido salubria promulgavit edicta; præterquam enim, quod Viros scientiis & artibus insignes largissimis congiariis remunerari præceperit, regiam scientiarum societatem instituerit, atque ad Astronomorum usum turrim Syderum speculatoriam erexerit, insuper die trigesima Julii, ut religionem, pietatemque in primis habere curis ostenderet, promul-

*Heliot Hist. des Ord. Mon. t. 3. & 8.1 Abregé de l'Hist. Eccl.*

Sæc. XVII. vulgato edicto declarabat, quod om-  
 nes, qui sanctum Dei, B. V. aut San-  
 ctorum Nomen blasphemasse convicti  
 fuerint, pecuniarum multa coerce-  
 rentur, si autem quinta vice aucta hac  
 pœna castigati non resipuerint, Domi-  
 nicis ac festivis diebus ferreo collari ad  
 infamem palum per quinque horas ad-  
 stricti hæerent, rursus vero relapsis  
 superiora labra & nondum emendatis  
 inferiora etiam labra candenti ferro,  
 ac denique ipsa omnino lingua excin-  
 derentur, indicta quoque pecuniarum  
 multa illis, qui intra viginti quatuor  
 horas, quos hujus criminis reos no-  
 verint, iudicibus denunciare neglexe-  
 rint: Præterea Mense Decembri Rex  
 ad sanctum Germanum in Laya novum  
 condidit edictum, quo inhibitum, ne  
 deinceps ullum Monasterium in regno  
 sine Regis venia erigeretur; hancque  
 in rem revocabantur cum Episcopi ci-  
 viumque consensu quasdam Congrega-  
 tiones aut Conventus erigendi facultates  
 generatim hucusque concessæ: cum  
 enim per aliquot sæcula quamplurimi  
 excogitarentur Religiosorum Ordines,  
 etiam non sine gravi civium incom-  
 modo pene innumera construebantur  
 monasteria, præcipue sæculo decimo  
 tertio, in quo veluti in consuetudinem  
 trahebatur, ut luculentum quoddam  
 prodigium

prodigium in vulgus spargeretur, Sæc. XVII.  
 ope in eo loco, ubi miraculum fuisse A. C. 1666.  
 patratum dicebatur, primo Ecclesia  
 postea Monasterium erigi, atque ex  
 turmatim confluentis populi eleemosy-  
 nis, & oblationibus largiter dotari  
 posset: Hoc tamen edicto Rex Episco-  
 pis minime inhibuit, ne nova in suis  
 Diæcesibus Seminaria erigere valerent,  
 dummodo congrue dotarentur.

Regia denique auctoritate stabili-  
 ta est Congregatio Sanctimonialium Beatæ  
 Virginis de charitate: Hæc a Vene-  
 rabili Joanne Eudes anno hujus sæ-  
 culi quadragesimo quinto erecta, hoc  
 anno die secunda Januarii ab Alexan-  
 dro VII. summo Pontifice Apostolicis  
 literis confirmata est. Profitentur hæc  
 Sanctimoniales Regulam D. Augustini,  
 ac sese quarto voto obstringunt, quod  
 puellas & fœminas, quæ a libidinosa  
 vitæ consuetudine ad meliorem fru-  
 gem redire anhellant, exciperent, at-  
 que ad purioris vitæ sanctimoniam  
 reducerent.

## §. LXXII.

*Principum obitus.*

Haud diu Philippo IV. Hispaniarum Priorat.  
 Regi defuncto vita superstes erat Hist. di  
 ejus Soror Maria Anna Mauritia Au- Leop. p. 2.  
 striaca, l. 7. p. 747.

O 5